

ՏԱԹԵՎ ԳԻՏԱԿՐԹԱԿԱՆ ՀԱՄԱԼԻՐ

ՎԵՐԱՊԱՏՐԱՍՏՎՈՂ ՈՒՍՈՒՑՉԻ ՀԵՏԱԶՈՏԱԿԱՆ ԱՇԽԱՏԱՆՔ

Հետազոտության թեմա՝ 1. «Հանելուկների դասավանդման արդյունավետության բարձրացումը գրաճանաչության շրջանում»,

2. «Հեքիաթի ուսուցման նոր մեթոդներ»:

Հետազոտող ուսուցիչ՝ Վարդանյան Աստղիկ, ՀՀ Կոտայքի մարզի Կաթնաղբյուրի հիմնական դպրոց

ԵՐԵՎԱՆ 2022

ԲՈՎԱՆԴԱԿՈՒԹՅՈՒՆ

Ներածություն.....	3
Հանելուկների դասավանդման արդյունավետության բարձրացումը գրաճանաչության շրջանում.....	4
Հեքիաթի ուսուցման նոր մեթոդներ.....	13
Եզրակացություն.....	20
Օգտագործված գրականության ցանկ.....	22

ՆԵՐԱՄՈՒԹՅՈՒՆ

Ժամանակի հետ փոխվում են ուսուցման ձևերն ու մեթոդները: Դրանց զարգացումն ու կատարելագործումն ուսուցչին մղում է պրպտելու և գտնելու նորանոր եղանակներ, որոնք կնպաստեն ուսուցման արդյունավետության աճին և սովորողների ակտիվացման:

Վերապատրաստման դասընթացների շրջանակներում՝ արդեն երեք տարի է, ինչ աշխատում ենք նոր մեթոդներով: Խորապես զգացել ենք դրանց առավելությունը, սակայն դժվարանում էինք գործադրել գրաճանաչության շրջանում: Այս հարցում օգնության հասան ժողովրդական բանահյուսության ժանրատեսակ դիտվող հանելուկները, որոնք բոլոր ժամանակներում ծառայել ու ծառայում են մարդակային խելքն ու հնարամտությունը զարգացնելու նպատակին: Դասի ժամանակ հանելուկների առաջադրումը առաջ է բերում աշխուժություն, մտքի շարժ և թարմություն: Այդ միջոցն ակտիվացնում է նույնիսկ ամենապասիվ երեխաներին, զարգացնում տրամաբանությունը, մտածողությունը, երևակայությունը: Հանելուկների օգնությամբ երեխան կարող է ճանաչել բնության օրենքներն ու երևույթները, իրերը, առարկաները, կենդանիներին և դրանց բնորոշ հատկությունները: Հանելուկների պատասխանների գտնումը նպաստում է նաև երեխաների աշխարհայացքի ձևավորմանը, կռահելու, արագ կողմնորոշվելու ունակությունների զարգացմանը, արտահայտիչ կարողալու և արտասանելու կարողությունների հղկմանը, ինչպես նաև ուսումնական նյութի բովանդակության ընկալման խորացմանը:

ՀԱՆԵԼՈՒԿՆԵՐԻ ԴԱՍԱՎԱՆԴՄԱՆ ԱՐԴՅՈՒՆԱՎԵՏՈՒԹՅԱՆ

ԲԱՐՁՐԱՑՈՒՄԸ ԳՐԱՃԱՆԱՉՈՒԹՅԱՆ ՇՐՋԱՆՈՒՄ

Այբուբենը հանելուկներով ներկայացրել են բազմաթիվ հայ հեղինակներ:

Դեռևս միջնադարում Ներսես Շնորհալին գրել է « Առակս վասն ուրախության մանկան» շարքը, ուր հանելուկների պատասխաններում պահպանվել է գրերի հաջորդականությունը: Գրաճանաչության շրջանի համար դասարանում ստեղծվել է «Այբուբենը՝ հանելուկներում» հավաքապատառը, որի գրպանիկներում տեղադրված են բոլոր հնչյուն- տառերով սկսվող պատասխաններով հանելուկներ: Դրանց հակառակ երեսներին տվյալ հանելուկի պատասխան-նկարն է: Հանելուկներով ու դրանց պատասխան- պատկերներով լի հավաքապատառը գրաճանաչության փուլի համար ստեղծված մի իսկական հարուստ դիդակտիկա է: Զննական միջոցների և խոսքի ճիշտ գուգակցմամբ էլ պայմանավորվում է ուսումնական նյութի յուրացման պահանջ-վող մակարդակի ապահովումը: Թեև տարրական դասարանների դասագրքերում հանելուկները ներկայացված են որպես երկրորդական նյութ, սակայն գրաճանաչության շրջանում մեզ համար դրանք առաջնային նշանակություն և կարևորություն են ձեռք բերում: Այս հավաքապատառն ուղեկցում է մեզ գրաճանաչության ամբողջ ընթացքում:

Ա	Բ	Գ	Դ	Ե	Զ	Է
						
Ը	Թ	Ժ	Ի	Լ	Խ	Ծ
						
Կ	Հ	Ձ	Ղ	Ճ	Մ	Յ
						
Ն	Շ	Ո	Չ	Պ	Ջ	Ռ
						
Ս	Վ	Տ	Բ	Յ	ՈՒ	Փ
						
Ք	Օ	Ֆ				
						

Հավաքապաստառն օգտագործում ենք և՛ մինչ նոր տառին ծանոթացնելը, և՛ նոր հնչյուն –տառը յուրացնելուց հետո: Նոր տառի հաղորդման սկզբում ստեղծում ենք այնպիսի իրավիճակ, ուր երեխաներն իրենք կգուշակեն , թե որ հնչյուն տառին

են ծանոթանալու: Հայտնի է, որ երեխաների համար առավել դժվար է երկհնչյուն տառերի յուրացումը: Ուստի ներկայացնենք է երկհնչյուն տառի ուսուցման մեր փորձը: Նախօրոք՝ մինչև դասն սկսելը, դասասենյակում կախում ենք մի պարան : Այս հնարին նրանք արդեն ծանոթ են նախորդ տառերի ուսուցումից և շատ են սիրում այս եղանակով աշխատանքը: Նոր նյութի հաղորդման սկզբում հավաքապաստառի Ե գրպանիկից հանում ենք բոլոր հանելուկ- պատկերները և ասում.

-Միրելի՛ երեխաներ, այսօր մենք ծանոթանալու ենք մի նոր հնչյուն-տառի:

Դուք ինքներդ պետք է գուշակեք, թե որն է այն: Դրա համար հարկավոր է գտնել առաջադրված հանելուկների պատասխանները:

Մինչ հանելուկի առաջադրումը առանձնացնում ենք այն բառերը, որոնց մասին պատմում է դասագրքի համապատասխան դասը: Կարդում ենք առաջին հանելուկը:

Դուք բոլորդ գիտեք նրան,

Ունի ճկուն, բարակ իրան,

Բնակվում է ճահիճներում

Ու ձեզ համար սրինգ դառնում:

Հետևում է երեխաների պատասխանը.

-Եղեգ:

Ցուցադրում ենք եղեգի պատկերը և հարցնում , թե ինչ գիտեն դրա մասին:

Հետևում են պատասխանները.

-Աճում է ճահիճներում:

-Ունի երկար և բարակ ցողուն:

-Անվանում են նաև շամբ, բամբուկ:

- Դրանից գործում են զամբյուղներ, սակառներ /սալաներ/:

- Պատրաստում են շվի:

- Եղեգով ծածկում են կտուրները:

- Եղեգն այրվում է և կարող է ճրագի դեր կատարել:

Ավելացնում ենք ,որ այն վայրերը , ուր շատ եղեգ կա, անվանում են եղեգնուտ:

Ծանոթացնում ենք եղեգ անունով բնակավայրերին՝ Եղեգնաձոր, Եղեգնուտ:

Պատմում ենք « Եղեգնուհին» հեքիաթի՝ վիթի գեղեցկություն ունեցող հերոսուհու մասին:

Այնուհետև հարցնում ենք, թե ինչ հնչյուն լավեց այս բոլոր բառերի սկզբում:

Երեխաները պատասխանում են.

-Յէ:

Հանելուկի պատասխան- նկարն ամրացնում ենք պարանին և ընթերցում հաջորդ հանելուկը:

Կանգնել է նա՝ հագած, կապած,

Կրծքին ոսկե վարսեր թափած,

Ամեն շորի ծալքի տակին՝

Շարան-շարան քարեր անգին:

Երեխաները պատասխանում են.

- Եգիպտացորեն:

Նրանց պատասխանը հաստատվում է հանելուկի հակառակ երեսին պատկերված եգիպտացորենի նկարի ցուցադրումով: Հարցնում ենք, թե ինչ գիտեն այս բույսի

մասին: Հետևում են պատասխանները.

- Հացահատիկային բույս է:

- Դրանից ստանում են ալյուր և բուսական յուղ:

_Եգիպտացորենն ուտում են խորոված և եփած վիակում:

_Օգտագործում են աղցանների մեջ:

Պատրաստում են ադի-բուդի:

_Եգիպտացորենի մազիկներն օգտագործում են որպես դեղաբույս:

Հիշեցնում ենք նաև, որ եգիպտացորենի կանաչ զանգվածը բարձրորակ անասնակեր է՝ սիլոս: Եգիպտացորենից ստանում են նաև ձավար: Հայերը եգիպտացորեն մշակել են տասնվեցերորդ դարից:

Այնուհետև մտազրոհի մեթոդով բնութագրում ենք այս բույսը և կազմում բառակապակցություններ:

Մտացված տեղեկություններն ընդհանրացնում ենք T-աձև աղյուսակի մեթոդով՝
ինչ գիտեի և ինչ և ինչ իմացա խորագրերի միջոցով: Եզիպտացորենի պատկերը ևս
կախում ենք պարանից:

Կարդում եմ հաջորդ հանելուկը.

Գլխին առած մի մեծ ծառ՝

Շրջում է դաշտ ու անտառ: /եղջերու/

Ամառ, ձմեռ՝ միշտ կանաչ,

Նա մի ծառ՝ մեզ ճանաչ:

Ամեն անգամ նոր տարում

Մեր հանդեսն է զարդարում:

Ես մի ծառ եմ ճանաչում,

Չունի տերև, չունի ճյուղ,

Անհող, անջուր է աճում: /տոնաձառ/

Քուրայի մեջ կարմրում,

Իսկ ջրի մեջ սևանում

Ո՞ր դարբնի կուռ ձեռքով

Մեզ օգտակար ձև առնում: /երկաթ/

Մերթ կապույտ է նա,

Մերթ գորշ, մերթ ճերմակ,

Աշխարհն է ապրում

Այդ վրանի տակ: /երկինք/

Ծաղիկ եմ ես դաշտային,

Միջուկս՝ նման արևին,

Թերթերս՝ ճերմակ ու նրբին: /երիցուկ/

Այս հանելուկների էլեկտրոնային տարբերակը ստեղծվել է Quizlet հարթակի
միջոցով և տեղադրված է classroom հարթակում, որպեսզի կարողանան օգտվել նաև
այլ ուսուցիչներ.

<https://classroom.google.com/c/MzYwMTM2MzgzMjE3/a/NTQ5OTM1MzQyNzMy/details>

Բոլոր հանելուկների պատասխանները ներկայացվում են պարանի հնարով. պարանի վրա կարդում ենք յուրաքանչյուր բառ, կազմում դրանց հնչյունային մոդելը, հաշվում, թե ամեն մեկը քանի հնչյուն ունի: Անվանում ենք ձայնավոր և բաղաձայն հրնչյունները: Ուշադրությամբ լսելով բոլոր բառերը՝ գալիս ենք ընդհանուր եզրակացության. բոլոր բառերի սկզբում հնչում են նույն երկու յե հնչյունները: Այստեղ արդեն բացատրում ենք , որ յե հնչյունը գրվում է մեկ տառով՝ ե: Ե-ն երկհնչյուն տառ է: Երեխաները գրատախտակին գծում են այդ բառերի հնչյունական աղյուսակը.

Հինգ տառ

ե	ղ	ն	ի	կ
---	---	---	---	---

Վեց հնչյուն

յ	ե	ղ	ն	ի	կ
---	---	---	---	---	---

Հանելուկների միջոցով ձևավորելով երկհնչյուն տառի գաղափարը անցնում ենք նոր դասի հաղորդմանը:

Ե հնչյուն տառի ամրապնդման դասին երեխաները բերել էին բազմաթիվ հանելուկներ, իրենց նկարած պատկերները, գտել ե-ով սկսվող բառեր: Հանելուկներ և նկարներ ունեցող աշակերտներն իրենց աշխատանքը ներկայացրին հեղինակային աթոռին նստած: Այս հնարն օգնում է երեխաներին առավել սահուն արտահայտել իրենց մտքերը և ավելի արտահայտիչ խոսել:

Առաջին երեխա .

-Ես առաջադրում եմ իմ հանելուկը , իսկ դուք գուշակեք այն.

Ես գործիք եմ աշխատանքի,

Խոտ եմ հավաքում հանդում ու դաշում,

Հավաքում, դիզում երկաթ մատներով:

Երեխան ցույց է տալիս իր նկարած եղանը և կախում պարանից:

Երկրորդ երեխա.

- Թիվ եմ ես կենտ , միանիշ,

Երկուսից՝ մեծ, չորսից՝ քիչ: /երեք/

Երրորդ երեխա.

- Թեև նա չունի ատամ ու բերան,

Բայց քեզ կկծի, թե ձեռք տաս նրան: /եղինջ/:

Հեղինակային աթոռից ելույթ ունեցող երեխաներին խրախուսում ենք աստղիկներով, այնուհետև առաջարկում լուծել խաչբառը՝ առաջադրված հանելուկի պատասխաններով: Իհարկե, բոլոր հարցերի պատասխաններն սկսվում են ե հնչյուն– տառով: Խաչբառը նախապես գծում ենք գրատախտակին գունավոր կավիճներով.

1			ե	ղ	ն	ի	կ	
2		ե	ր	ա	մ			
3	ե	ր	կ	ի	ն	ք		
4	ե	ր	ի	ց	ու	կ		
5	ե	ր	կ	ու				
6	ե	ր	կ	ա	թ	ու	ղ	ի

Ստանում ենք գաղտնագրի բառը երիցուկ, և պատմում երիցուկի օգտակարության մասին:

Այս ամենից հետո , երբ երեխաները բավականաչափ տեղեկացված են, կազմակերպում ենք խմբային աշխատանք: Ձեռքի տակ ունենք կտրտված պատկերներ՝ երկրաչափական մարմիններ, աստղիկներ, տերևներ և այլն: Յուրաաքանչյուր տեսակից կա հնգական պատկեր՝ եռանկյուն, քառակուսի, շրջան, ուղղանկյուն: Դրանք բաժանում ենք երեխաներին , առանձնացնում նրանց չորս համապատասխան խմբերով և տալիս առաջադրանքը: Բաժանում ենք ե-ով սկսվող բառերով պատկերները, որոնց վրա երեխաները կազմում են տվյալ բառի գծային, հնչյունային, վանկային մոդելը, ներկում ձայնավորը և բանավոր ներկայացնում իրենց աշխատանքը: Եռանկյունի խմբին տրվում է ելակի պատկերը:

Նրանք ներկայացնում են ելակ բառի հնչյունային և տառային մոդելը, ձայնավորներն ու բաղաձայնները, վանկային մոդելը: Այսպես մնացած խմբերն էլ ներկայացնում են

եղնիկի, երամի, երկաթի վերաաբերյալ իրենց գիտելիքները և դրանց համար նույնպես կազմում համապատասխան հնչյունատառային մոդելներ:

յ	է	ղ	ն	ի	կ
ե	լ	ա	կ		

Հինգ հնչյուն

Չորս հնչյուն

ՀԵՔԻԱԹԻ ՈՒՍՈՒՑՄԱՆ ՆՈՐ ՄԵԹՈՂՆԵՐ

Ամենամեծ ստեղծագործողը ժողովուրդն է, ու նրա ամենամեծ ստեղծագործությունը՝ հեքիաթը:

ՀՈՎՀԱՆՆԵՄ ԹՈՒՄԱՆՅԱՆ

Մանկությունը մարդկային կյանքի արշալույսն է՝ միշտ գեղեցիկ, անբիծ, հաշտ ու խաղաղ: Եվ ամբողջ կյանքում մանկության հուշերը մեր ականջին շնչալու են անմոռանալի մանկական գրականությունը /հատկապես հեքիաթը/ մանկավարժի դաշնակիցն է, փոքրիկի դաստիարակն ու խորհրդատուն: Այն նպաստում է երեխայի աշխարհայացքի հիմքերի ձևավորմանը, բնավորության կազմավորմանը, հարստացնում նրա նախնական գիտելիքները, բառապաշարը, կենսափորձը, հղկում գեղագիտական ճաշակն ու կոփում կամքը:

Հեքիաթը ժողովրդական բանահյուսության հնագույն ժանրերից է և գալիս է դարերի խորքից: Այն, ինչպես և բանահյուսության այլ ստեղծագործություններ, սկզբնավորվել է ժողովրդական զանգվածների մեջ, մշակվել, լրացվել, փոփոխվել, փոխանցվել սերնդից սերունդ և պահպանել պատմական տարբեր ժամանակահատվածների աշխարհըմբռման ու կենսահայեցողության հետքերը: Հեքիաթներում ժողովուրդն ամփոփել է իր երազանքները, ձգտումները և իմաստնությունը:

Անսահման տպավորիչ է շվեդացի հայտնի գրող, Նոբելյան մրցանակի դափնեկիր Սելմա Լագերլոֆի կյանքը /1858-1940/: Ս. Լագերլոֆը ծնվել է Շվեդիայում՝ Մորբակի կալվածատիրական դաստակերտում, երեքամյա աղջնակը կաթվածահար է լինում և տասնհինգ տարի շարունակ գամված մնում անկողնուն: Հետագայում Սելման գրում է, որ ինքը կարողացել է ապրել տասիկի՝ իր կյանքի համար պայքարի ու տառապանքների շնորհիվ: Նա չէր հեռանում անկողնուց և սփոփում էր իր հրաշալի հեքիաթներով: Հենց այդ կախարդական աշխարհն էլ ուժ ու կորով է տալիս նրան, զսպում, որ չարտասովի, կախարդական պատմություններն ու իրենց հին տան լեգենդները... Հիշում է, թե ինչպես տատն ամբողջ գիշեր մատնոցի մեջ կաթ էր լցնում տան ոգու համար: Հիվանդ թոռնիկին համոզում էր՝ չվախենալ ձայներից, քանի որ իրենց տան ոգին ամենաբարին է, և կպահպանի իրեն:

Մանկության տարիներին լսած կախարդական հեքիաթները տվեցին իրենց անմահական պտուղները: Իր արտասավոր ու հանճարեղ գործերի համար 1909 թվականին գրողն արժանացավ Նոբելյան մրցանակի : Նա թոշակ էր ստանում Օսկար Երկրորդ թագավորից և դրամական օգնություն՝ Շվեդական ակադեմիայից:

Հայ ժողովրդական բանահյուսության /ինչպես մյուս ժանրերի, այնպես և հեքիաթների/ հավաքման ու

հրատարակման գործում մեծ ծառայություն են մատուցել հայ գրողները: Պատահական չէ, որ մանկագիր Սուրեն Մուրադյանը գրում է . «Մանկական իսկական, կատարյալ ստեղծագործությունն այն պատուհանն է, որից ճառագայթած լույսը ջերմացնում է մանուկ ընթերցողին, ձևավորում նրա հոգին: Այդ լույսն է օգնում մանուկ ու պատանի ընթերցողին՝ տեսնելու, ընկալելու աշխարհի երևույթները, առարկաները, ընթերցողի առջև բացում կյանքում շիտակ ու ազնիվ քայլելու կանաչ ճանապարհ »:

Անփոխարինելի է հեքիաթների դերը նախադպրոցական տարիքի երեխաների լեզվամտածողության, ստեղծագործական երևակայության զարգացման առումով: Մանկական ստեղծագործություններ ընտրելիս անպայման անհրաժեշտ է հաշվի առնել դրանց գրական-գեղարվեստական արժանիքներն ու առանձնահատկությունները: Միայն այս դեպքում տվյալ ստեղծագործությունը երեխայի համար դառնալու է ուժեղ ու կայուն ներշնչման աղբյուր: Փոքրիկի համար ամեն ինչ պետք է լինի զարմանալի , հրաշալի, հեքիաթային, ոչ հասարակ: Երեխաների մեջ ազնվություն և ճշմարտախոսություն, բարոյական որակներ ձևավորելու նպատակով անհրաժեշտ է նրանց ուշադրությանը ներկայացնել և՛ դրական, և՛ բացասական գործող անձեր պատկերող գեղարվեստական ստեղծագործություններ:

Ս. Մուրադյանն իր «Բանի դրին՝ փախավ , հաց դրին՝ հասավ» հեքիաթում աշխատասիրության գովքն է անում.

Միշտ անպատիվ ու սևերես,

Այս երկու ծուլ մկնիկի պես:

«Մկնիկի հարսնացուն» հեքիաթի միջոցով Ս. Մուրադյանը դատապարտում է ծուլությունը, աշխա-

տանքից խուսափելու հակումը:

Վ. Վարդանյանի « Համերաշխ կոլեկտիվ» հեքիաթի շնորհիվ երեխաները հասկանում և գիտակցում են, որ կյանքում աշխատանքն է հզոր շարժիչ ուժը: «Չար ուլիկը» հեքիաթը երեխաների մեջ դաստիարակում է ծնողասիրություն:

Բա չես խղճում

Քո այծ հորը,

Մի քիչ գոնե

Նստիր կողքին,

Տաք աղյուս դիր:

Այս տարիքում երեխաներն առավել հուզական են և ապրում են հեքիաթների հերոսների կյանքով: Մանկաապարտեզի ո՞ր դաստիարակը չի տեսել երեխաների աչքից հոսող արցունքները, երբ ուզում էին մորթել Ախպեր Գառնիկին: Չորսամյա Աշոտիկն աչքերն ամուր փակել էր և ամուր բռնել մոր թևից, երբ նա հեքիաթ էր պատմում : Երբ նրան հարցրին.

Որ ձիուց վայր չընկնեմ, պատասխանեց փոքրիկը: Նա ձուլվել էր հեքիաթի հերոսին և իրեն թվում էր ` ինքը ձիով սլանում: Անատարկելիէ, որ հեքիաթը երեխաների ամենասիրած ժանրն է:

«Հեքիաթը սուտ, բայց խրատող , ջահելներին դաս լինի թող» այսպես էր գրում մեծն Պուշկինը: Ուսումնասիրություններից պարզել ենք ` շատ դասվարներ դժգոհում են , որ երեխաներն անքան էլ չեն սիրում հեքիաթներ լսել: Մերօրյա երեխաներին ավելի շատ հետաքրքրում է համակարգիչը, տեխնիկան: Այսօրվա սերունդն էապես տարբերվում է նախորդներից: Հետևաբար ` ինչ-որ բան պետք է փոխել ուսուցման մատուցման մեջ: Արդի մանկավարժության գերխնդիրներից է ուսուցման ակտիվացման և արդյունավետության բարձրացման նոր եղանակների որոնումը: Իսկ դրանց կիրառումը հարկավոր է սկսել ամենավաղ տարիքից: Այս խնդրի լուծման երկարատև գործընթացին ձեռնմուխ է եղել համաշխարհային մանկավարժությունը:

Ռեջիո- Էմիլիայի /Իտալիա/ մանկական նախադպրոցական հիմնարկներում է ծնունդ առել պատմելու խաղը. երեխաները հերթով կանգնում են մի բարձրության վրա /այն ծառայում է որպես ամբիոն/ և հատակին նստած ընկերներին պատմում իրենց հորինած պատմությունները: Ուսուցիչը գրի է առնում դրանք, իսկ երեխան

հետևում է, որ նա ոչինչ բաց չթողնի ու չփոխի: Հետո երեխան իր պատմածը պատկերում է մեծ նկարով:

Հետաքրքիր մեթոդներից է նաև հեքիաթների «աղավաղումը».

_Լինում է չի լինում մի աղջիկ : Նրա անունը Դեղին Գլխարկ է:

Ճի՛շտ է ,նրան մայրիկը կանչեց ու ասաց.

_Լուի

_Եվ այսպես շարունակ:

Շուտ տված հեքիաթներ: Հեքիաթների «աղավաղման» մի տարբերակ էլ հեքիաթի թեման «շուտ տալն է»: Մատնաչափիկը եղբայրների հետ պայմանավորվել էր տնից փախչել , խեղճ ծնողներին թողնել , սակայն նրանք հեռատես էին. նրա գրպանը ծակում են, մեջը բրինձ լցնում : Այն քիչ-քիչ թափվելով նրանց «հուշում է» փախուստի ամբողջ ճանապարհը...

Ձյունանուշիկը թավ անտառում ոչ թե յոթ թզուկների, այլ յոթ հսկաների է հանդիպում և նրանց ավագակային հարձակումների մասնակիցը դառնում...:

«Հեքիաթը շուտ տալու» մեթոդը նոր մտահղացումների է հանգեցնում: Այն հարմար է տվյալ նյութը ծաղրապատճենելու և ունկնդրին զվարճություն պատճառելու իմաստով: Միննույն ժամանակ թեման ցանկացած ուղղությամբ ինքնուրույնաբար զարգացնելու և ստեղծագործելու հնարավորություն է ընձեռնում:

Առավել հետաքրքիր մեթոդ է «Հեքիաթների շիլափլավը» :

-Անտառում Կարմիր Գլխարկը հանդիպում է Մատնաչափիկին ու նրա եղբորը:

«Հեքիաթների շիլափլավի» առաջին նշանները կարելի է տեսնել որոշ մանկական նկարներում, որոնցում գերբնականորեն հաշտ են ապրում տարբեր հեքիաթների հերոսները:

Այս մեթոդն օգտագործել են շատ մայրեր , երբ հեքիաթներից «չկշտացող» իրենց փոքրիկները նորանոր պատմություններ են պահանջել: Նրանք ինքնաբարեբար հնարաստեղծել ու երեխաներին մատուցել սեփական հորինվածքների տարբերակներ: Այս մեթոդները նպաստում են երեխայի խոսքի, մտածողության և երևակայության զարգացմանը:

Իր «Մտածողությունը և խոսքը» աշխատության մեջ Լ.Վիգոտսկին գրում է. «Մտածական գործունեությունը՝ երեխայի և նրա ծնողների միջև, բառերով

արտահայտվող կամ շարժողական երևակայությունից է սկսվում: Ինքնուրույն մտածողությունն այն ժամանակ է սկիզբ առնում, երբ երեխան գրույցներն առաջին անգամ կարողանում է ըմբռնել և հասկանալ»:

Հաճախ է օգտագործվում կիսատ թողած պատմության կամ հեքիաթի շարունակում մեթոդը, որը խթանում է երեխաների ստեղծագործական երևակայությունը: Օրինակ՝ երեխաներին անչափ դուր եկավ ներկայացված ամերիկյան «Ասպետն ու վիշապը» հեքիաթը:

Կար-չկար մի ասպետ կար, որն ապրում էր քարանձավում:նա երբեք ոչ մի վիշապի հետ չէր կռվել: Կար- չկար մի վիշապ կար, որն ապրում էր քարանձավում : Նա երբեք ասպետի հետ չէր կռվել: Մի օր ասպետը դոյակի գրադարանում գտավ մի գիրք, որը վերաբերում էր վիշապների հետ կռվելու արվեստին: Այնտեղ կար մի վերնագիր,որը «հուշում էր» , թե ինչպես է հնարավոր կռվել վիշապների հետ: Վիշապը փորփրեց, քարանձավում գտավ մի գրքույկ, ուր գրված էր, թե ինչպես պետք է կռվել ասպետի դեմ: Ասպետը գտավ մի գիրք՝ «Զրահի պատրաստում» վերնագրով:

Վիշապը գտավ մի գիրք՝ «Պոչը ճիշտ շարժելու» արվեստը: Վիշապը փորձում է պոչը ճիշտ շարժել: Այդ ժամանակ դոյակում ասպետը զբաղվում էր զենք ու զրահ պատրաստելով: Ասպետը և վիշապը միմյանց նամակ գրեցին:

Կիսատ թողնելով հեքիաթը՝ երեխաներին առաջարկել է շարունակել իրենց տարբերակը: Դասվարը և խմբի երեխաները միմյանց լրացնելով շարունակում են:Այն ստացավ հետևյալ տեսքը.

Զենք ու զրահը հագած՝

Ասպետն էլավ ընդամառ:

Գլուխն օրորելով ,պոչը շարժելով

Վիշապն է գալիս՝ հողը փորելով :

Ասպետն ասես մի մժեղ,

Վիշապն էլ՝ մի հսկա լեռ:

Մուրը օդում ճռում է

Մեր քաջարի ասպետը,

Պոչն անընդհատ շարժում է

Մեր վիթխարի վիշապը:

Վերջը հուսահատվեցին

ՈՒ մի լավ ծիծաղեցին:

ՈՒ ասացին մեկ-երկու,

-Էլ չենք կռվի ես ու դու:

Ներկայացնենք ևս մի տարբերակ: Մեկ այլ խմբում դասվարը և երեխաները ասպետի և վիշապի վեճը լուծում են հնարամտությամբ: Երբ ասպետը և վիշապը հանդիպեցին, ոչ մեկը մտադիր չէր կռվելու: Վիշապն առաջարկեց մի հանելուկ, որը լուծեց ասպետը: Նրանք դարձան լավ բարեկամներ:

Մեկ ուրիշ խմբում դասվարը և երեխաները լավատեսորեն ավարտեցին հեքիաթը: Երբ սարի գլխին ասպետն ու վիշապը դուրս եկան կռվի ,հանկարծ ամպրոպ սկսվեց: Երբ ամեն ինչ խաղաղվեց, դուրս եկավ արևը, յոթնագույն ծիածանը: Ասպետի դիմաց կանգնել էր մի չքնաղ արքայա-դուստր , որն ասպետի հարսնացուն էր:

Իսկ ինչպե՞ս է ավարտվում հեքիաթը բնագրում .

Վիշապն ու ասպետը չեն ցանկանում կռվել: Նրանք կարող են դառնալ լավ ընկերներ: Նրանք որոշում են մի խորտկարան բացել: Վիշապն իր բերանից կրակ ժայթքելով՝ խորոված էր անում: Ընկերները շատ համերաշխ աշխատում են:

Մանկավարժի առաքելությունն է՝ հասնել այն բանին ,որ երեխան կարողանա հասկանալ գնահատել հեքիաթի էությունը, փորձի տեսնել իրական կյանքում հեքիաթների հերոսներին, տարբերել բարին ու չարը, դառնալ բարու կրողը և միշտ հավատալ նրա հաղթանակին:

«Ոչ թե խրատել, ոչ թե սովորեցնել , այլ խաղալ ու ստեղծագործաբար աշխատել, երևակայել, հորինել հեքիաթներ, բանաստեղծություններ, հանելուկներ ու պատմություններ: Ստեղծագործության հետ շփումը երեխային արդարև կարևոր , մարդուն անհրաժեշտ շատ ու շատ բան է տալիս, անգամ , եթե նա չի պատրաստվում ապագայում գրող , երգահան կամ նկարիչ դառնալ» /Անատոլի Ալեքսին/:

ԵԶՐԱԿԱՑՈՒԹՅՈՒՆ

Մայրենիի դասընթացում իրենց ուրույն տեղն են գրավում ինքնուրույն ընթերցանության դասաժամերը: Մի կողմից՝ այդ դասաժամերի ընթացքում զարգանում են աշակերտների ընթերցողական հետաքրքրությունները, աշխարհայացքը, գեղագիտական ճաշակը, գեղարվեստական պատկերավորման միջոցների ընկալումը, երևակայությունը և ստեղծագործական միտքը, մյուս կողմից՝ իրագործվում են ծրագրային, չափորոշչային պահանջները, ձևավորում են ակտիվ ընթերցողին անհրաժեշտ կարողունակություններ:

Երկրորդ դասարանում ինքնուրույն դասաժամերը անցկացվում են շաբաթական մեկ ժամ, իսկ երրորդ և չորրորդ դասարաններում նախընտրելի է դրանք անցկացնել երկու ժամ, սակայն երկու շաբաթը մեկ, որպեսզի երրորդ և չորրորդ դասարանի աշակերտներն ավելի շատ ժամանակ ունենան ընթերցելու ծավալուն նյութեր, ինչպես նաև կարողանան երկու դասաժամում քննարկել դրանք:

Ինքնուրույն ընթերցանության դասերն ունեն որոշակի առանձնահատկություններ, առանց դրանց հաշվառման հնարավոր չէ իրականացնել առաջնային խնդիրները: Ինքնուրույն ընթերցանության դասերն առավել լայն պայմաններ են ստեղծում ստեղծագործական բնույթի աշխատանքների համար /ընթերցածի բովանդակության նկարագրողում /բառային և գրաֆիկական/, ապլիկացիա, ծեփակերտում, ստեղծագործության ներկայացում՝ երաժշտական ձևավորմամբ, նկարաշարի ստեղծում և այլն/:

Ինքնուրույն ընթերցանության դասաժամերի նկատմամբ հետաքրքրությունը խորացնելու, այդ դասաժամերն ավելի հետաքրքրաշարժ դարձնելու նպատակով կարելի է կազմակերպել ոչ ստանդարտ կառուցվածքով դասեր /դաս-հեքիաթ, դաս-ցերեկույթ, դաս-ճանապարհորդություն, դաս-մրցույթ, դաս-հանդիպում և այլն/: Ինքնուրույն ընթերցանության դասաժամերի ընթացքում իրականացվում է ուսուցանող գնահատում: Կարելի է կիրառել ուսուցանող գնահատման իրականացման նպատակով օգտագործվող համարյա բոլոր աշխատանքների ձևերն ու տեսակները՝ կարճ ժամանակի համար նախատեսվող առաջադրանքներ,

բանավոր հարցում , տնային առաջադրանք, համագործակցություն, նախագիծ, ինքնուրույն կատարման ուսումնական առաջադրանք, բաց հարցերով քննարկում , ինքնագնահատում և փոխադարձ գնահատում, ու գործնական աշխատանք:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Հայ ժողովրդական հեքիաթներ, 1959:
2. Նախադարձական մանկավարժություն, 1966:
3. Ջանի Ռոդարի, Ստեղծագործական երևակայության քերականություն, Երևան 1995:
4. Նախաշավիղ, 2004, 5-6:

րտ